

BASES DA CONCESIÓN DE PREMIOS A DEPORTISTAS E CLUBS MÁIS DESTACADOS DO CONCELLO DE MONFORTE NO ANO 2017

Primeira:

A delegación de Deportes do Concello de Monforte de Lemos convoca un concurso para a concesión de premios a deportistas, adestradores/as, árbitros/as, entidades deportivas e clubs monfortinos máis destacados do ano 2017.

Segunda:

As categorías do concurso son as seguintes:

- Mellor deportista masculino absoluto.
- Mellor deportista feminina absoluta.
- Mellor deportista masculino promesa.
- Mellor deportista feminina promesa.
- Mellor adestrador/a.
- Mellor árbitro/a – xuíz/a.
- Entidade deportiva máis distinguida en canto á promoción do deporte.
- Premio á deportividade e ó xogo limpo

Establécese unha categoría denominada de “**Excelencia Deportiva**” que poderá conceder o xurado cualificador a aqueles/as atletas que teñan un historial e uns méritos deportivos sobresalientes. Aqueles/as atletas ós que se lles conceda a “Excelencia Deportiva” non participaran no resto de categorías do concurso.

Terceira:

Requisitos para participar en cada unha das categorías do concurso:

- **Mellor deportista masculino absoluto do ano:** nesta convocatoria poderán participar deportistas masculinos que teñan participado en competicións federadas durante o ano 2017 e que cumpran polo menos un dos criterios que se establecen a continuación:
 - Pertencer a un club ou entidade deportiva con sede social no Concello de Monforte de Lemos e inscrita no Rexistro Municipal de Entidades Deportivas.
 - Estar empadroado en Monforte de Lemos, aínda que se compita baixo a disciplina dun club deportivo que non teña o enderezo social no Concello de Monforte.
 - Estar empadroado en Monforte e competir a nivel individual e federado de forma independente, non estando baixo a disciplina de ningún club deportivo.

- **Mellor deportista feminina absoluta do ano:** nesta convocatoria poderán participar deportistas femininas que teñan participado en competicións federadas durante o ano 2017 e que cumbran polo menos un dos criterios que se establecen a continuación:
 - Pertencer a un club ou entidade deportiva con sede social no Concello de Monforte de Lemos e inscrita no Rexistro Municipal de Entidades Deportivas.
 - Estar empadroada en Monforte de Lemos, aínda que se compita baixo a disciplina dun club deportivo que non teña o enderezo social no Concello de Monforte.
 - Estar empadroada en Monforte e competir a nivel individual e federado de forma independente, non estando baixo a disciplina de ningún club deportivo.

- **Mellor deportista Promesa masculino do ano:** nesta convocatoria poderán participar deportistas masculinos nados nos anos 2002 ou posteriores, que teñan participado en competicións federadas durante o ano 2017 e que cumbran cando menos un dos criterios que se establecen a continuación:
 - Pertencer a un club ou entidade deportiva con sede social no Concello de Monforte de Lemos e inscrita no Rexistro Municipal de Entidades Deportivas.
 - Estar empadroado en Monforte de Lemos, aínda que se compita baixo a disciplina dun club deportivo que non teña o enderezo social no Concello de Monforte.
 - Estar empadroado en Monforte e competir a nivel individual e federado de forma independente, non estando baixo a disciplina de ningún club deportivo.

- **Mellor deportista Promesa feminina do ano:** nesta convocatoria poderán participar deportistas femininas nadas nos anos 2002 ou posteriores, que teñan participado en competicións federadas durante o ano 2017 e que cumbran cando menos un dos criterios que se establecen a continuación:
 - Pertencer a un club ou entidade deportiva con sede social no Concello de Monforte de Lemos e inscrita no Rexistro Municipal de Entidades Deportivas.
 - Estar empadroada en Monforte de Lemos, aínda que se compita baixo a disciplina dun club deportivo que non teña o enderezo social no Concello de Monforte.
 - Estar empadroada en Monforte e competir a nivel individual e federado de forma independente, non estando baixo a disciplina de ningún club deportivo.

- **Mellor adestrador/a do ano:** nesta convocatoria poderán participar adestradores/as, que teñan participado en competicións federadas durante o ano 2017 e que cumbran cando menos un dos criterios que se establecen a continuación:
 - Pertencer a un club ou entidade deportiva con sede social no Concello de Monforte de Lemos e inscrita no Rexistro Municipal de Entidades Deportivas.



- Estar empadroadado/a en Monforte de Lemos, aínda que se compita baixo a disciplina dun club deportivo que non teña o enderezo social no Concello de Monforte.
- **Mellor árbitro/a – xuíz/a do ano:** nesta convocatoria poderán participar árbitros/as – xuíces/as que teñan participado en competicións oficiais durante o ano 2017 e que estean empadroados/as no Concello de Monforte.
- **Entidade Deportiva ou club máis distinguido en canto á promoción do deporte.** nesta convocatoria poderán participar clubs e entidades deportivas que teñan participado en competicións federadas durante o ano 2017 e que estean inscritas no Rexistro Municipal de clubs e entidades deportivas do Concello de Monforte de Lemos.
- **Premio á deportividade.** nesta categoría valoraranse as actitudes de autoestima, cooperación, responsabilidade e tolerancia no deporte, levadas a cabo por clubs deportivos, deportistas, adestradores/as, árbitros, etc. durante o ano 2017. Para poder participar nesta categoría será necesario respectar os criterios establecidos nas categorías anteriores.

Cuarta:

A presentación de candidaturas poderá ser feita por clubs e entidades deportivas, deportistas así como por membros do xurado e persoas físicas ou xurídicas relacionadas coa actividade física e o deporte municipal.

As candidaturas poderán ser presentadas polos propios candidatos ou por terceiras persoas.

O número de candidaturas presentadas por cada propoñente e categoría non está limitado.

O xurado poderá propoñer recoñecementos fora de concurso a deportistas, directivos, adestradores/as, clubs, etc. que ó seu xuízo sexan merecedores de distinción.

Quinta:

As solicitudes de inscrición deberán ser presentadas no Rexistro Xeral do Concello de Monforte dende o día seguinte á súa publicación na páxina web do Concello, sendo o derradeiro día para presentar as solicitudes o mércores 28 e marzo ás 14:00 h. As solicitudes deberán conter obrigatoriamente a seguinte documentación:

- Instancia de solicitude asinada polo/a propoñente. Anexo 1
- No caso de optar ao premio de mellor deportista, absoluto ou promesa, e mellor adestrador/a, relación detallada dos logros deportivos conseguidos durante o ano 2017 en campionatos oficiais, indicando con claridade todos os datos da competición (denominación, datas, categoría, etc.). Anexo 2
- No caso de optar ao premio a mellor árbitro/a, relación detallada da súa actividade como árbitro/a – xuíz/a durante o ano 2017. Anexo 2
- No caso de clubs e entidades deportivas que opten ao premio á promoción do deporte deberase facer unha exposición de motivos na que se fagan constar as razóns polas

que deberían ser considerados como a entidade deportiva máis distinguida en canto á promoción do deporte. Anexo 2

- Para participar na categoría de premio á deportividade e ó xogo limpo deberase entregar unha memoria explicativa das actitudes de autoestima, cooperación, responsabilidade e tolerancia no deporte que o candidato mostrou durante a actividade levada a cabo no ano 2017. Anexo 2
- Reportaxe fotográfica ou audiovisual dos atletas ou clubs participantes en formato dixital.

Sexta:

Unha vez finalizado o prazo de solicitudes farase pública a listaxe das candidaturas que optan á elección.

O Departamento de Deportes do Concello de Monforte poderá rexeitar aquelas candidaturas que non cumpran cos requisitos esixidos

Sétima:

O xurado para a elección dos galardoados estará composto polos seguintes membros:

- **Presidente:** Excmo. Alcalde do Concello de Monforte.
- **Secretario:** Técnico Municipal de Deportes, con voz e sen voto, que certificará o cumprimento das condicións establecidas nas bases do concurso.
- **Vocais:** 3 representantes dos medios de comunicación locais e dous membros relacionados co deporte local, provincial ou autonómico.

Oitava:

En cada unha das categorías haberá unicamente un vencedor.

Para a elección dos galardoados teranse en conta os resultados e a traxectoria deportiva das candidaturas no ano 2017.

Novena:

Criterios de valoración do xurado:

O xurado terá liberdade para establecer as súas cualificacións, sendo os criterios a valorar os seguintes:

- **Categoría de mellor atleta, masculino e feminino, tanto promesa como absoluto:** os criterios a valorar serán o número de competicións oficiais nas que o/a atleta participou durante o ano 2017, así como o nivel destas competicións e os resultados acadados. Tamén se valorará a convocatoria do/da atleta para participar en competicións coa selección autonómica e nacional da modalidade deportiva así como os resultados acadados nestas competicións.

- **Mellor adestrador/a do ano:** os criterios a valorar serán o número de competicións oficiais nas que o candidato/a participou como adestrador/a no ano 2017, así como o nivel destas competicións e os resultados acadados. Tamén se valorará a convocatoria para participar en competicións como adestrador/a da selección autonómica e nacional da modalidade deportiva así como os resultados acadados nestas competicións.
- **Mellor árbitro/a xuíz/a:** os criterios a valorar serán o número e o nivel das competicións oficiais nas que o/a candidato/a teña participado durante o ano 2017.
- **Entidade deportiva ou club máis distinguido en canto á promoción do deporte:** os criterios a valorar serán o número total de licencias federativas que tivo o club durante o ano 2017, o número de licencias de deportistas en categorías menores, actividades e eventos organizados polo club ou entidade deportiva, así como o nivel das competicións nas que participan os seus deportistas e equipos e os resultados acadados durante o ano 2017.
- **Premio á deportividade:** os criterios a valorar serán as actitudes de autoestima, cooperación, responsabilidade e tolerancia no deporte levadas a cabo polos candidatos durante o ano 2017.

Décima:

Para a constitución do xurado, será necesaria a asistencia e a presenza de polo menos dúas terceiras partes dos membros integrantes do mesmo, no momento das votacións.

A resolución do xurado acordarase por maioría simple. No caso de chegar a un empate, o presidente do xurado fará uso do voto de calidade para dirimir. Os premios poderanse declarar desertos.

Cada un dos membros do xurado poderá propoñer candidatos en tódalas modalidades do concurso e o fará segundo o establecido no artigo quinto do presente regulamento.

O secretario levantará acta do resultado final e da decisión do xurado.

As decisións do xurado son inapelables.

A decisión do xurado non será pública ata a entrega dos premios.

Décimo primeira:

Os galardoados recibirán un trofeo acreditativo.

Os participantes non premiados recibirán un agasallo conmemorativo do concurso.

O presidente do xurado determinará a data e o lugar da gala de entrega dos galardóns.

Décimo segunda:

A inscrición en calquera categoría do evento implica a autorización á difusión de fotografías, vídeos, etc. dos participantes que se empreguen tanto para a promoción do evento como o día da Gala do Deporte.